

Pressiteedüs 8. novvembri 2019

## Moostõn sai selges kõgõ parõmb vahtsõnõ võrokeeline laul

Võro keele nädäli sündmüisi hulgan oll Moostõn 7. novvembril vahtsidõ võrokeelitside laulõ võigõluskontsõrt Uma Laul. Kõgõ parõmbas vahtsõs laulus valiti Margit Õkva „Mõtõlus“. Konkurs tek võrokeelitse muusigailma viil kirivämbäs ja arvada tulõ tast mano ka vahtsõt laulvarra võrokõisi Umalõ Pidolõ.

Säänesamanõ konkurs oll joba neländät korda. Seokõrd oll ka eelvoor, kohe saadõti rekordilidse 44 laulu, minkast 25 valisi hindamiskõgõ lõppkontsõrdilõ vällä.

Kontsõrdil kandsõva erinevä muusikalidse pundi ette 25 autori tett laulõ. Võigõluskontsõrdilõ pasesi nii suurõmbalõ rahvalõ tunnõt ku ka vähämb teedä muusiga ja sõnnu autoriid, tõisi sian Aapo Ilves, Andres Määr, Erkki Peetsalu, Evar Riitsaar, Heiki Kelp, Jaagup Peetsalu, Jan Rahman, Kauksi Ülle, Kaupo Eliste, Margit Õkva, Mari Kalkun, Maris Mägi, Martin Mileiko, Pulga Jaan, Triinu Laan, Urmas Kalla jt.

Hindamiskõgon olli muusik Celia Roose, laululuuja Kait Tamra, koorijuht Küllike Joosing, Võru Instituudi direktri Rainer Kuuba ja Vikerraadio muusigajuht Sten Teppan. „Üts kultuur saa püssü sõs, ku tuud periselt pruugitas. Konkurs andsõ kimmüst, et võrokeelitsen lauluilman om olõman kõüdüs põlvkundõ vaihõl. Suur rõõm om ka tuust, et kõik laulu olli nii esisugumadsõ. Laulõti nii täämbädse päävä asjust ku unistuisist, mõni lugu võtsõ silmä likõs ja tõnõ pand saali üten laulma,“ kõnõl žürii liigõ Rainer Kuuba.

„Moostõ Rahvamuusigakooli muusiku panni vaheaigõl lustma terve maja. Oll mõnus ja lämmi kõüdüs esinejide ja publiku vaihõl,“ kitsõ konkursi kõrraldanu Võro Seltsi ja Võro Instituudi projektijuht Merike Tigas. „Olõmi tenoligu kõigilõ laululuujilõ. Nii noilõ, kink muusika Moostõ Folgikua suurõ lava pääl kõlasi, ku ka noilõ, kink lugu seokõrd lõppkontsõrdilõ es mahu. Uma Pido muusikatoimkund kaes 2023. aastaga pido laulukavva kokko pandõn läbi kogo teedäolõva võrokeelitse laulvarra. Ka varatsõmbilt konkurssõlt om õks laulõ pidolõ jõudnu ja vast lätt nii ka seokõrd.“

Võistlõjilõ katsõva avvuhinnalavva kohaligu ettevõtja; võigõlusõlõ panni uma ola ala Eesti Kultuurkapital, Põlva vald ja Räpinä Kultuurkapital. Teno näide toele saiva kõrraldaja anda vällä inämb preemijit ku oll plaanit.

### Preemiä:

Pääpreemiä (Eesti Kultuurkapital): „Mõtõlus“. Muusiga ja sõna Margit Õkva.

Latsilaulu preemiä (Eesti Kultuurkapital): „Palvõ“. Muusiga Mari Kalkun, sõna Triinu Laan.

Preemiä (Eesti Kultuurkapital): „Palla käega“ Muusiga ja sõna Aapo Ilves.

Publiku preemiä: „No kos tu iPhone jäi!“ Muusiga ja sõna Sirli Hellamaa.

Põlva valla preemiä: „Õnnõlõudmise laul“. Muusiga Mari Kalkun, sõna Jan Rahman.

Põlva valla preemiä: „Uma saadussõ poolõ“. Muusiga ja sõna Urmas Kalla.

Räpinä kultuurkapitali preemiä: „Külm astsõ tarrõ“. Muusiga Kaupo Eliste, sõna Kaupo Eliste ja Martin Mileiko.

Räpinä kultuurkapitali latsilaulu preemiä: „Läämi kodo“. Muusiga Jaagup Peetsalu, sõna Erkki Peetsalu.

Teedüst saa mano:

Merike Tigas

tel 5691 6280

[merike.tigas@wi.ee](mailto:merike.tigas@wi.ee)

[www.umapido.ee](http://www.umapido.ee)

Kõrraldaja: Võro Selts VKKF

Tugõja: AS Lõuna Pagarid, Coop Põlva, Eesti Kultuurkapital (rahvakultuuri sihtkapital, Põlva ja Võru ekspertgrupp), Eesti Muna OÜ, Ilumäe talu OÜ, Kubija hotell-loodusspaa, MTÜ Vana-Võromaa Käsitüü, Põlva vald, Räpinä vald, Rahvakultuuri Keskus (meetmed „Regionaalse kultuuritegevuse toetamine“, „Vana-Võromaa pärimuskultuuri toetamine“), SA Mooste Mõis, SA Räpinä Kultuurkapital, Savi talu, Sireli talu, Võro Instituut.